

DISCOVER
— ITS BEAUTY —

Pjesa 5

EMRAT E TIJ TË BUKUR

DR. NAXHI IBRAHIM



Me emrin e Allahut të
Gjithmëshirshmit, Meshirëplotit

EMRAT E TIJ TË BUKUR

EMRAT E BUKUR TË ZOTIT (ALLAHUT)

Kurani i Madhërishëm dhe Profeti Muhamed (paqja dhe bekimet e Allahut qofshin mbi të), na mësojnë për emrat e Allahut, të vetmit Zot të vërtetë. Për shembull, Kurani i Madhërishëm thotë: ***“Allahut i përkasin emrat më të bukur, andaj thirrreni Atë (lutjuni Atij) me ta...”*** (7:180)

Kur i lutemi Allahut, jemi të inkurajuar, që ta thërrasim Atë me emrat e Tij të bukur apo me ndonjë emër të përshtatshëm, me kërkesën apo nevojën që kemi. Për shembull, nëse kërkesa lidhet me furnizimin, ne mund ta lusim Atë me emrin Rrezak, që është Furnizues. Këta emra nuk tregojnë se Allahu është më shumë se një qenie e ata janë emrat që i përshkruajnë cilësitë e ndryshme, që i përkasin Zotit të vetëm të vërtetë, Allahut.

Ne, njerëzit asnjëherë nuk mund ta kuptojmë madhështinë e Allahut, por sa më shumë që e njohim Atë dhe çfarë e bën të kënaqur, aq më shumë do ta duam dhe do ta adhurojmë. Të mësuarit rreth Allahut, përmes studimit dhe kuptimit të emrave dhe cilësive të Tij, na sjell qetësi shpirtërore në këtë jetë dhe në tjetrën, sepse e kuptojmë që gjithçka është në duart e Tij dhe ndodh sipas Vullnetit të Tij absolut.

Nuk është e preferuar që një njeri të ketë një emër, që i përket vetëm Allahut. Myslimanët shpesh ndodh që kanë emra



Err Rrahim



Mëshirëbërësi. Edhe pse ne nuk mund të
ni asnjëherë të mëshirshëm sa Ai, ne
und ta çmojmë atë duke u munduar sa
ë shumë që të jemi të mëshirshëm ndaj
tjerëve.



që fillojnë me Abd (që d.m.th. ‘rob i’), përcjellë nga një prej emrave të Allahut. Kështu, Abdullah domethënë ‘rob i Allahut’, ‘AbduRrahman’ domethënë ‘rob i të Gjithëmëshirshmit’ dhe kështu me radhë.

Err-Rrahim-Mëshirëbërësi. Përderisa nuk mund t’i afrohemi mëshirës së Tij, ne mund ta vlerësojmë atë dhe të mundohemi më së miri të jemi të mëshirshëm ndaj të tjerëve.

Duke mësuar më shumë rreth emrave të Zotit tonë të vërtetë (Allahut) dhe duke besuar sinqerisht te Ai dhe në cilësitë e Tij, na bën që ne gjithmonë të kemi në mendje sa herë që bashkëveprojmë me të tjerët, se Allahu është i Gjithëmëshirshmi, Mëshirëbërësi, më i Dhembshuri, më i Mëshirshmi, Gjykuesi, i Gjithëdijshtmi, Shikuesi, Falësi, më i Buti, i Vërteti, etj...


Është me rëndësi, që këta emra dhe cilësitë e Allahut t’i vëmë në praktikë, në atë masë që natyra jonë njerëzore dhe kapaciteti ynë e pranojnë.

Tani le të mësojmë më shumë rreth emrave të Allahut.



Es-Selam (Paqedhënësi, Shpëtimtari)

Burimi i paqes dhe përsosmërisë, i cili është i pastër nga çdo e metë. Ai është pa të meta; Ai nuk ka veçori njerëzore, sikurse të qenët i sëmure, i uritur, i etur apo të pasurit ftohtë.



Es Selam



Paqësori, burimi i paqes dhe përsosmërisë,
i Cili është i pastër nga të metat. Ai është
gjithnjë perfekt; Ai nuk ka veçori njerëzore
sikurse sëmundja, uria, etja apo të ftohtit.

EMRAT E BUKUR TË ALLAHUT

Disa nga emrat e Allahut, në gjuhën arabe dhe kuptimet e tyre në gjuhën shqipe:

Allah: Emri kryesor i Zotit të vetëm të vërtetë.

Er-Rahman: i Gjithëmëshirshmi, Mëshirëbërësi dhe me i Dhembshuri, i Cili i mëshiron të gjitha krijesat.

Err Rrahim: Mëshirëbërësi. Edhe pse ne nuk mund të jemi asnjëherë të mëshirshëm sa Ai, ne mund ta çmojmë atë duke u munduar sa më shumë që të jemi të mëshirshëm ndaj të tjerëve.

El Malik: Sunduesi, i Cili ka autoritet mbi të gjithë qiejt dhe tokën.

En Nur: Burimi i dritës. Drita përmes të cilës ndriçohemi dhe na udhëzon. Në një kaptinë të quajtur Nur, Kurani na tregon se **“Allahu është drita e qiejve dhe e tokës”**. (24:35)

El Kuddus: i Pastërti, i Shenjti, i Bekuari.

Es Selam: Paqësori, burimi i paqes dhe përsosmërisë, i Cili është i pastër nga të metat. Ai është gjithnjë perfekt; Ai nuk ka veçori njerëzore sikurse sëmundja, uria, etja apo të ftohtit.

Err Rrezak: Furnizuesi, i cili na ofron furnizim, siguri dhe udhëzim për çdo qenie të gjallë. Secili nga ne do të arrijë furnizimin, që i është caktuar por ne duhet të punojmë për ta fituar atë, natyrisht, në rrugët e lejuara dhe jo përmes mashtrimit dhe korrupsionit.



Err Rrezak

الرِّزْقُ

Furnizuesi, i cili na ofron furnizim, siguri dhe udhëzim për çdo qenie të gjallë. Secili nga ne do të arrijë furnizimin, që i është caktuar por ne duhet të punojmë për ta fituar atë, natyrisht, në rugët e lejuara dhe jo përmes mashtrimit dhe korrupsionit.

EMRAT E BUKUR TË ALLAHUT

El Besir: Shikuesi, që sheh gjithçka që ndodh në univers.

Es Semî: Dëgjuesi, që dëgjon gjithçka. Kur ne e thërrasim apo e lutim atë, Ai na dëgjon.

El Adhim: më Madhështori që është më i madh se çdo gjë apo çdokush, në gjithë krijimin e Tij.

El Gafur: Falësi, që fal gjithmonë ata, që janë penduar dhe kthyer kah Ai.

Et-Teuab: Pranuesi i pendimit tonë. Allahu do që mëkatarët të pendohen tek Ai në vazhdimësi, e mirëpret dhe e pranon pendimin tonë të singertë. Në të kundërtën, qeniet njerëzore, edhe ato që janë më të afërtat me ne, eventualisht, lodhen nga pranimi i gabimeve tona dhe nga dhënia e mundësive edhe një herë të dytë, me të njëjtin entuziazëm.

El Alij: i Larti, Madhështori, që është lart mbi krijesat e Tij.

El Uedud: i Dashuri, që i do të drejtët dhe të dëgjueshëm, dashuria e të Cilit manifestohet te ne, në jetën e përditshme. E mira është, që të jemi mirënjohës për dashurinë e Tij dhe t'i duam të tjerët duke dëshiruar për ta atë që duam për vete.



El Uedud

﴿الْوَدُودُ﴾

i Dashuri, që i do të drejtët dhe të dëgjueshëm, dashuria e të Cilit manifestohet te ne, në jetën e përditshme. E mira është, që të jemi mirënjohës për dashurinë e Tij dhe t'i duam të tjerët duke dëshiruar për ta atë që duam për vete.

EMRAT E BUKUR TË ALLAHUT

El Hakim: i Urti, gjykimi i të Cilit është skajshmërisht i drejtë dhe nuk mund t'i ikët.

El Alim: i Gjithëdijshti, Ai që e di atë që shihet dhe atë që është e fshehur në të kaluarën, në të tashmen dhe në të ardhmen. **“Asnjë gjeth nuk bie pa dijen e Tij.”** (Kur’ani, 6:59).

El Reuf: më i Buti, butësia, mëshira dhe dhembshuria e të Cilit janë të pafundme.

Err Rrezak: Furnizuesi, Ai që jep furnizim, siguri dhe udhëzim për çdo krijesë të gjallë. Secili nga ne do ta marrë furnizimin që e kemi të caktuar, por ne duhet të punojmë për të, natyrisht, përmes rrugëve të lejuara dhe jo përmes mashtrimit dhe korrupsionit.

El Hak: i Vërteti, Zoti i vetëm i vërtetë, fjalët e të Cilit janë të vërteta. Duke e ditur se e vërteta është e kundërta e gënjeshtërs, ne duhet të mundohemi që të zbulojmë dhe të zbatojmë të vërtetën në çdo gjë, fjalë apo vepër, edhe nëse ajo e vërtetë është kundër nesh.

El Halim: i Buti, shumë i Mëshirshmi, i Vetëpërmbyturi, i Durueshmi Ai që është i qetë, i durueshëm dhe asnjëherë nuk ngutet, madje as me mëkatarët, keqbërësit dhe ata që e mohojnë apo nuk e besojnë Atë. Allahu i tejkalon gabimet tona, ndaj ne duhet të mundohemi të bëjmë të njëjtën gjë me ata rreth nesh, sepse në realitet ata që mbajnë mëri me të tjerët vetëm se i bëjnë dëm vetvetes.

El Muxhib: Përgjigjedhënësi, Ai që u përgjigjet lutjeve tona. Allahu do që ne t'i lutemi Atij, përmes lutjeve dhe Ai do t'u përgjigjet lutjeve tona, ndonëse mund të mos përgjigjet gjithmonë kur apo si ne dëshirojmë, sepse Ai e di më mirë, çka është më e mira për ne më shumë sesa ne vetë.



El Muxhib

المُخِيب

Përgjigjedhënësi, Ai që u përgjigjet lutjeve tona. Allahu do që ne t'i lutemi Atij, përmes lutjeve dhe Ai do t'u përgjigjet lutjeve tona, ndonëse mund të mos përgjigjet gjithmonë kur apo si ne dëshirojmë, sepse Ai e di më mirë, çka është më e mira për ne më shumë sesa ne vetë.

CILËSITË DHE VEÇORITË E ZOTIT (ALLAHUT)

Profeti Muhamed (paqja qoftë mbi të) ka thënë: “Vërtet Allahu është i Bukur dhe Ai e do bukurinë.” (Sahihu Muslim).

Disa nga cilësitë dhe veçoritë, që e dallojnë Zotin e vetëm të vërtetë (Allahun), nga ata që thonë (apo u referohen të tjerët) si Zoti, janë këto:

- Zoti i vetëm i vërtetë (Allahu) është i veçantë në kuadër të cilësive të Tij. Asnjë nuk është si Ai dhe asnjë karakteristikë njerëzore apo e kafshëve nuk mund t'i cilësohet Atij.
 - Ky Zot i vetëm i vërtetë (Allahu) është Krijuesi; Ai nuk është as i krijuar as i lindur.
 - Zoti i vetëm i vërtetë (Allahu) na ka krijuar, që ta adhurojmë vetëm Atë. Kur e adhurojmë atë në këtë mënyrë, ne lirohemi nga adhurimi i idhujve, i shenjtëve, figurave të famshme, parasë apo diçkaje tjetër.
 - Zoti i vetëm i vërtetë (Allahu) është një, nuk ka tre të tillë apo më shumë! Ai nuk ka partnerë apo ndonjë shoqërues të barabartë me Të.
 - Zoti (Allahu) nuk mund të shihet nga qeniet njerëzore apo nga krijesat e tjera, në këtë jetë.
 - Asgjë nuk i shëmbëllen Atij.
 - Zoti është i Përjetshëm; Ai nuk vdes as nuk ndryshon.
 - Zoti nuk ka nevojë për asgjë dhe për askënd, sikurse është nëna, gruaja apo djali; as nuk kërkon ushqim, pije apo ndonjë ndihmë të këtij lloji. Të tjerët janë ata, që kanë nevojë për Të.
- Ne mund t'i përdorim këto karakteristika dhe cilësi (si dhe të tjera që i përkasin vetëm Atij), që të bëjmë vlerësime apo qëndrime, se dikush apo diçka është Zot.

DËSHMIA E BESIMIT HYRJA NË ISLAM

Dëshmoj se nuk ka tjetër të adhuruar me meritë përveç Allahut dhe dëshmoj se Muhamedi është i Dërguari i Allahut.”

Në arabisht lexohet:



që në shqip tingëllon sikurse më poshtë:

**ESH-HEDU EN LA ILAHE IL-LA ALLAH,
UE ESH-HEDU ENNE MUHAMMEDEN RESULULLAH!**



Kjo është dëshmia e besimit, që duhet të deklarojmë në mënyrë që të përqafojmë Islamin; ajo përmbledh të vërtetën, bukurinë dhe thjeshtësinë e Islamit.



A JENI ENDE KURESHTAR?

Nëse jeni kureshtar dhe të interesuar të zbuloni më shumë informacione dhe detaje rreth Islamit, ju lutem vizitoni faqen tonë:

www.discoveritsbeauty.com

Keni mirësinë të na dërgoni me e-mail pyetjet dhe kritikën tuaj:

info@discoveritsbeauty.com

SERITË E 'ZBULOJENI BUKURINË E TIJ'

- 1) Vetëm maja e ajsbergut
- 2) Feja e Ademit dhe Havasë
- 3) ABC-ja e Islamit
- 4) Përgjigje ndaj pyetjeve madhore të njerëzimit
- 5) Emrat e Tij të bukur
- 6) Shpallja e fundit
- 7) I Dërguari i fundit

WEBFAQET E DOBISHME ISLAME

<http://www.allahsquran.com>

<http://www.quranexplorer.com>

<http://www.islamhouse.com>

<http://www.edialogue.com>

<http://www.islamreligion.com>

<http://www.newmuslimguide.com>

<https://aboutislam.chat>

<https://guidetoislam.com>

DISCOVER
—ITS BEAUTY—

WWW.DISCOVERITSBEAUTY.COM



Scan it!

GLOBAL ACADEMY FOR TRANSLATION AND EDUCATION (GATE)
LONDON | THE UNITED KINGDOM

كتاب أسماء الله الحسنى باللغة الألبانية